



Srebrenica/Beograd/Göttingen/New York, 23.04.2024.

APEL Generalnoj skupštini Ujedinjenih naroda

Ujedinite se iza Rezolucije obilježavanja genocida u Srebrenici!

U pismu upućenom svim državama članicama Ujedinjenih naroda, *Društvo za ugrožene narode, Memorijalni centar Srebrenica i Helsinški odbor za ljudska prava u Srbiji* pozivaju sve ambasadore zemalja članica UN-a da glasaju za podršku rezoluciji Generalne skupštine, kojom bi se 11. juli proglasio Međunarodnim danom sjećanja na genocid u Srebrenici 1995. godine. „Ta Rezolucija značajno će unaprijediti ljudska prava, pridonijeti pravdi na zapadnom Balkanu i oslabiti toksični utjecaj ekstremističkih nacionalista na budućnost nove generacije“, izjavila je Jasna Čaušević, ekspert Društva za ugrožene narode za prevenciju genocida i zaštitu ljudskih prava.

U julu 1995. vojnici bosanskih Srba pod zapovjedništvom bivšega generala jugoslavenske Vojske Ratka Mladića ubili su više od 8.000 Bošnjaka (bosanskih Muslimana), uglavnom muškaraca i dječaka, ali i više stotina žena. Kao što je bivši glavni tajnik UN-a Kofi Annan kasnije priznao, Ujedinjeni narodi i njihove mirovne snage nisu ispunili svoju dužnost da zaštite živote koji su im povjereni.

Unatoč tome što su Međunarodni kazneni sud za bivšu Jugoslaviju (ICTY) i Međunarodni sud pravde (ICJ) presudili da je sve što se dogodilo u Srebrenici bio zločin genocida, Srbija i bosanski Srbi, njeni saveznici, uporno su odbijali prihvatiti presude sudova, uključujući i stav ICJ-a iz 2007., da Srbija nije ispunila svoju dužnost da spriječi genocid. Godine 2015. Ruska Federacija je, kao srpski saveznik, stavila veto na rezoluciju Vijeća sigurnosti UN-a, koja je bila slična rezoluciji o kojoj će diskutirati Generalna skupština 2. maja ove godine.

Vučić, koji izopačeno poziva na poštivanje međunarodnog prava, tvrdi da bi Rusija i Kina stavile veto na još jednu takvu rezoluciju Vijeća sigurnosti. O aktualnoj rezoluciji trebale bi raspravljati 193 države članice UN-a. Za njeno usvajanje potrebna je dvotrećinska većina, a srbijanski predsjednik Vučić intenzivno lobira kako bi osigurao glasove potrebne za njen bojkot.

Nacionalistička reakcija, koju danas susrećemo na ulicama Republike Srpske, zaista je zastrašujuća. Histeričnom retorikom i oštrim govorom mržnje podstiče se protivljenje rezoluciji Generalne skupštine“, upozorava Čaušević. „Države članice UN-a morali bi vidjeti te proteste onakvima kakvi jesu. Predsjednik Srbije Aleksandar Vučić i predsjednik entiteta Republika Srpska Milorad Dodik nastoje radikalizirati mlađu generaciju i iskoristiti neriješene regionalne napetosti. Nasljednici Slobodana Miloševića i Radovana Karadžića

Postfach 2024

D-37010 Göttingen

Tel.: +49 551 499 06-0

Fax: +49 551 580 28

E-Mail: info@gfbv.de

www.gfbv.de

Menschenrechtsorganisation
mit beratendem Status bei den
UN und mitwirkendem Status
beim Europarat

Spendenkonto

Bank für Sozialwirtschaft
IBAN: DE07 2512 0510 0000 5060 70
BIC: BFSWDE33HAN

Geschäftskonto

Sparkasse Göttingen
IBAN: DE65 2605 0001 0000 0019 17
BIC: NOLADE21GOE

Eingetragener Verein

Eingetragen im Vereinsregister
des Amtsgerichts Göttingen
Vereinsregister Nr. 1804





Postfach 2024

D-37010 Göttingen

Tel.: +49 551 499 06-0

Fax: +49 551 580 28

E-Mail: info@gfbv.de

www.gfbv.de

Menschenrechtsorganisation
mit beratendem Status bei den
UN und mitwirkendem Status
beim Europarat

odbacuju dostojanstven, kultiviran i etičan način obilježavanja sjećanja na genocid, kako bi uskratili mladim Srbima spoznaju o istini vlastite prošlosti, u nadi da će produžiti podjele i sukobe na Zapadnom Balkanu."

"Usvajanjem ove rezolucije poslala bi se jasna poruka da svijet nije spreman tolerirati negiranje genocida", ističe Čaušević. Sonja Biserko, osnivačica Helsinškog odbora za ljudska prava u Srbiji, optužuje protivnike Rezolucije da omalovažavaju temeljne ideale Ujedinjenih naroda: "Rezolucija podupire UN-ova načela istine, pravde, demokracije i poštivanja ljudskih prava. Dugo očekivana moralna obnova Srbije nužan je preduvjet za bilo kakvu normalizaciju odnosa u regiji." Emir Suljagić, direktor Memorijalnog centra Srebrenica, upozorava na opasne posljedice takve srpske politike: "Poricanje zločina najjasniji je znak da će se on ponoviti".

Sharon Silber, predsjednica „Jews Against Genocide“ naglašava sljedeće: „Kontinuirano poricanje genocida u Bosni od strane vlada Srbije i Republike Srpske, sada gotovo 30 godina nakon masakra u Srebrenici, duboko je uznemirujuće. Krajnje je vrijeme da se Srbija suoči sa svojom prošlošću kao što je to učinila Njemačka u godinama nakon holokausta. Možda nije ugodan proces, ali je neophodan. Obilježavanjem Mjeseca podizanja svijesti o genocidu, važno je događaje u Srebrenici nazvati pravim imenom – genocidom!“ (JEWS AGAINST GENOCIDE)

Sjećanje i memorijalizacija ključni su za sprječavanje budućih genocida.

Pozivamo sve države članice Ujedinjenih naroda, uključujući i Srbiju, da pokažu svoje čvrsto opredjeljenje za poštivanje Povelje Ujedinjenih naroda i Opće deklaracije o ljudskim pravima, tako što će se pridružiti predlagateljima i susponzorima i dati punu i svesrdnu podršku rezoluciji Generalne skupštine.

Dr. Emir Suljagić, Direktor Memorijalnog centra Srebrenica, E-Mail: suljagicemir@gmail.com, Tel. +387 56 991-940

Sonja Biserko, predsjednica Helsinškog Odbora za ljudska prava (HCHRS), Srbija, E-Mail: biserkos@gmail.com, Tel. +381 11 3349170

Sharon Silber, Jews Against Genocide, sharonsilber@aol.com

Roman Kühn, Direktor, Društvo za ugrožene narode, Email: r.kuehn@gfbv.de

Jasna Causevic, Društvo za ugrožene narode (GfbV), Prevencija genocida i R2P
Email: j.causevic@gfbv.de, Tel. ++49 (0)551 4990616

Spendenkonto

Bank für Sozialwirtschaft
IBAN: DE07 2512 0510 0000 5060 70
BIC: BFSWDE33HAN

Geschäftskonto

Sparkasse Göttingen
IBAN: DE65 2605 0001 0000 0019 17
BIC: NOLADE21GOE

Eingetragener Verein

Eingetragen im Vereinsregister
des Amtsgerichts Göttingen
Vereinsregister Nr. 1804

